

## შეთანხმება №68

(№1 31.12.2010 ხელშეკრულების ცვლილების შესახებ)

24 მაისი 2011

ქ. თბილისი

ერთის მხრივ, შპს “მაგთიკომი”, შემდგომში წოდებული როგორც – *მიმწოდებელი*, წარმოდგენილი მისი გენერალური დირექტორის მოადგილის გია კოშორიძის სახით და მეორეს მხრივ, “საქართველოს საკონსტიტუციო სასამართლო” შემდგომში წოდებული, როგორც – *მომხმარებელი* წარმოდგენილი მისი საფინანსო სამსახურის უფროსის მერაბ ჯოჯუას სახით, მეორეს მხრივ, ერთად წოდებული – *“მხარეები”* შეთანხმდით შემდეგზე:

ხელშეკრულების საგანია სახელმწიფო ბიუჯეტის სახსრებით, ფიჭური კავშირგაბმულობის მომსახურების შესყიდვა წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით.

1. მიმწოდებლის მომსახურების სტანდარტული პირობების (“სტანდარტული პირობები”) საფუძველზე მიმწოდებელი მომხმარებელს გაუწევს მობილურ სატელეფონო მომსახურებას (შემდგომში “მომსახურება”) მომხმარებლისათვის გამოყოფილ სააბონენტო ნომრებზე (შემდგომში “კორპორაციული ნომრები”) დანართში განსაზღვრული პირობებით.
2. კორპორაციული ნომრებიდან მიმწოდებლის საკომუნიკაციო ქსელში ჩართულ სატელეფონო ნომრებზე ზარის განხორციელების შემთხვევაში, ნებისმიერი სხვა საკომუნიკაციო ქსელის ოპერატორის საკომუნიკაციო ქსელის ტრანზიტით, მათ შორის ადგილობრივი ზარის განხორციელებისას და ზარის განხორციელების შემთხვევაში მიმწოდებლის სატელეფონო ნომრებზე, რომელთათვისაც მიმწოდებლის მიერ დაწესებულია სპეციალური ტარიფი არ იმოქმედებს წინამდებარე ხელშეკრულებით გათვალისწინებული პირობები.
3. მომხმარებელს უფლება აქვს, მიმწოდებლისათვის გაგზავნილი წერილობითი შეტყობინებით (მომხმარებლის ოფიციალურ ბლანკზე, უფლებამოსილი პირის ხელმოწერითა და ბეჭდით) დაამატოს კორპორაციული ნომერი ან კონკრეტულ კორპორაციულ ნომერზე შეაჩეროს, შეწყვიტოს ან შეცვალოს წინამდებარე ხელშეკრულების პირობების მოქმედება.
4. ანგარიშსწორება გაწეული მომსახურებისათვის იწარმოებს დანართში განსაზღვრული წესებით.
5. იმ შემთხვევაში, თუ მომხმარებლის მიზეზით, მომსახურება შეჩერდა ან შეწყდა კორპორაციული ნომრების საერთო ოდენობის 10 ან მეტი ოდენობის პროცენტულ ნაწილზე, მიმწოდებელი იტოვებს უფლებას გააუქმოს წინამდებარე ხელშეკრულება შეტყობინების გარეშე.
6. იმ შემთხვევაში, თუ მომხმარებლის მიზეზით, მათ შორის მიმწოდებლის ქსელიდან სხვა ქსელში კორპორაციული ნომრების პორტირების გამო მომსახურება შეჩერდა ან შეწყდა კორპორაციული ნომრების საერთო ოდენობის 50 ან მეტი ოდენობის პროცენტულ ნაწილზე, მიმწოდებელი იტოვებს უფლებას, გარდა წარმოშობილი დავალიანებისა, ჯარიმის სახით მოსთხოვოს და მომხმარებელი ვალდებულია ერთი თვის ვადაში აუნაზღაუროს მიმწოდებელს წინამდებარე ხელშეკრულებით და სტანდარტული პირობებით გათვალისწინებული მომსახურებების, ფასდაკლებების ასევე დამატებითი მომსახურებების მიღების(ჩართვის) გადასახდელების ფასების სხვაობის ჯამური თანხა. აღნიშნული თანხა გამოანგარიშდება წინამდებარე ხელშეკრულების ძალაში შესვლის თარიღიდან, მომსახურებების კორპორაციული ნომრების საერთო ოდენობის 50 ან მეტი ოდენობის პროცენტულ ნაწილზე შეწყვეტის ან/და შეჩერების თარიღამდე არსებული პერიოდის მიხედვით.
7. იმ შემთხვევაში, თუ მიმწოდებელთან წინასწარი შეთანხმების გარეშე მომხმარებელი, თავისი ეკონომიკური საქმიანობის განხორციელებისას ან ამის გარეშე, თავის მხრივ, მოახდენს წინამდებარე ხელშეკრულებით მისთვის შეთავაზებული მომსახურების მიწოდებას ნებისმიერი ფორმით მესამე პირებისათვის სასყიდლით(მოგების მიღების მიზნით) ან უსასყიდლოდ, მიმწოდებელი იტოვებს უფლებას ცალმხრივად მოშალოს წინამდებარე ხელშეკრულება.
8. წინამდებარე ხელშეკრულება ძალაში შედის მისი ხელმოწერის და მხარეთა შორის კორპორაციული ნომრების სიების მიმწოდებლისათვის გადაცემიდან ერთი კვირის ვადაში და მოქმედებს 2011 წლის 31 დეკემბრის ჩათვლით. შპს “მაგთიკომი”-ს მიერ გაწეული მომსახურების საერთო სავარაუდო ღირებულება შეადგენს 12000 (თორმრტიათასი) ლარს. ხელშეკრულების ვადის გასვლის შემთხვევაში თუ მხარეები წინააღმდეგი არ არიან, ხელშეკრულება ავტომატურად გაგრძელდება იგივე ვადით. კალენდარული თვის ნებისმიერ შუა რიცხვში



წინამდებარე ხელშეკრულების ვადის გასვლის შემთხვევაში, მომხმარებელი ვალდებულია გადაიხადოს აღნიშნულ თვეში გაწეული მომსახურების ღირებულება სრულად

9. მიწოდებული მომსახურების საფუძველზე წარმოშობილი დავალიანების დროულად გადაუხდელობის შემთხვევაში მიმწოდებელი იტოვებს უფლებას ცალმხრივად შეწყვიტოს წინამდებარე ხელშეკრულება და ამოიღოს წარმოშობილი დავალიანება მოქმედი კანონმდებლობის შესაბამისად. ხელშეკრულების მოშლის სხვა საფუძველები განისაზღვრება მოქმედი სამოქალაქო კანონმდებლობით. მხარეთა მიერ ხელშეკრულების ცალმხრივად მოშლის შემთხვევაში ფინანსური ვალდებულებები, რომლებიც წარმოიშვა ხელშეკრულების მოქმედების პერიოდში რჩება ძალაში.
10. მე-7, მე-9 და მე-12 მუხლების შესაბამისად ხელშეკრულების შეწყვეტის შემთხვევაში მიმწოდებელი იტოვებს უფლებას მოსთხოვოს და მომხმარებელი ვალდებულია ერთი თვის ვადაში აუნაზღაუროს მიმწოდებელს, ჯარიმის სახით, წინამდებარე ხელშეკრულებით და სტანდარტული პირობებით გათვალისწინებული მომსახურებების, ფასდაკლებების ასევე დამატებითი მომსახურებების მიღების(ჩართვის) გადასახდელების ფასების სხვაობის ჯამური თანხა. აღნიშნული თანხა გამოანგარიშდება წინამდებარე ხელშეკრულების ძალაში შესვლის თარიღიდან წინამდებარე ხელშეკრულების შეწყვეტის თარიღამდე.
11. სტანდარტულ პირობებსა და წინამდებარე ხელშეკრულების პირობებს შორის სატარიფო გეგმასთან ან გადახდის პირობებთან მიმართებაში წინააღმდეგობების არსებობის შემთხვევაში უპირატესი ძალა ენიჭება წინამდებარე ხელშეკრულების პირობებს. ყველა სხვა შემთხვევაში უპირატესი ძალა ენიჭება სტანდარტულ პირობებს.
12. მომხმარებელი ადასტურებს და გარანტიას იძლევა, რომ იგი წარმოადგენს კორპორატიულ კლიენტს, ანუ ამ შეთანხმების მიზნებისათვის - სამართლის იმ სუბიექტს, რომელსაც გააჩნია უფლებამოსილება თავისი სახელით დადოს წინამდებარე ხელშეკრულება და იმავდროულად გამიზნული აქვს მიმწოდებლის მიერ მიწოდებული მომსახურება გამოიყენოს მხოლოდ და უშუალოდ მასთან (მომხმარებელთან) შრომის კოდექსის ან საჯარო სამსახურის შესახებ კანონით განსაზღვრული დაქირავებით მომუშავე პირთათვის. აღნიშნული პირობის დარღვევის შემთხვევაში მიმწოდებელი იტოვებს უფლებას ცალმხრივად მოშალოს წინამდებარე ხელშეკრულება.
13. მხარეები კისრულობენ პასუხისმგებლობას აუნაზღაურონ ერთმანეთს ის ზიანი, რომელიც შეიძლება მიადგეს მეორე მხარეს, მხარის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შედეგად და რომელიც გამოწვეული იქნება მხარის დადასტურებული ბრალეულობისას, მხოლოდ განზრახვი ქმედებით.
14. წინამდებარე ხელშეკრულებიდან გამომდინარე დავა გადაწყდება მხარეთა შეთანხმებით, ხოლო შეთანხმების ვერ მიღწევის შემთხვევაში - სტანდარტული პირობების შესაბამისად;
15. წინამდებარე ხელშეკრულების პირობები და ასევე ერთი მხარის მიერ მეორისგან მიღებული საქმიანობასთან დაკავშირებული მთელი ინფორმაცია ითვლება მკაცრად კონფიდენციალურად ამ ხელშეკრულების მოქმედების ვადის განმავლობაში. მხარეები მიიღებენ ყველა აუცილებელ ზომას იმისათვის, რომ არ დაუშვან მესამე პირებთან ხელშეკრულების პირობების და მიღებული ინფორმაციის გახმაურება ამ ხელშეკრულების მოქმედების ვადის განმავლობაში და ასევე, მოქმედების ვადის გასვლიდან 3(სამი) წლის განმავლობაში.
16. წინამდებარე ხელშეკრულებით უქმდება მხარეთა ყველანაირი ზეპირი თუ წერილობითი შეთანხმება და ხელშეკრულება, რომელიც ეხება ხელშეკრულების საგანს.
17. ხელშეკრულება შედგენილია ორ ეგზემპლარად და ორივეს გააჩნია თანაბარი იურიდიული ძალა.

მხარეები:

მიმწოდებელი

ქ. თბილისი, პოლიტკოვსკაიას ქ. №5

გენერალური დირექტორის მოადგილე

/გია კოშორიძე

მომხმარებელი

ქ. ბათუმი. გამსახურდიას №8/10

საფინანსო სამსახურის უფროსი

/ მერაბ ჯოჯუა



დანართი №1 შპს მაგთიკომსა და საქართველოს საკონსტიტუციო სასამართლოს შორის 2011 წლის 24 მაისს გაფორმებულ ხელშეკრულებაზე

**მომსახურებები და მათი საფასური**

კორპორატიული ტარიფი თითოეულ სატელეფონო ნომერზე თვეში	3 ლარი დღგ-ს ჩათვლით
დამატებითი სატელეფონო ნომრის ჩართვა (დამატებითი სიმ-ბარათის გადაცემა და მისი ქსელში ჩართვა)	--
მიმართულება	1 წუთის ღირებულება დღგ-ს ჩათვლით
ჯგუფის შიგნით შეუზღუდავი ზარი	--
სააბონენტო გადასახადი	არ ერიცხება
მაგთის, ბალისა და ბანის მიმართულებით განხორციელებული ზარები	0 ლარი *
საქართველოს ნებისმიერი სხვა ქსელის მიმართულებით განხორციელებული ზარები	0.10 ლარი*
როუმინგის შემომავალი ზარი	62% ფასდაკლება**
40% ფასდაკლება ყველა საერთაშორისო მიმართულებაზე*** (კოდი 00 ან +)	40% ფასდაკლება ყველა საერთაშორისო მიმართულებაზე***

\* ზარის წამოწყების ღირებულება შეადგენს 0.05 ლარს დღგ-ს ჩათვლით.

\*\* ტარიფი შესაძლოა მცირედით აღემატებოდეს მოცემულს, იმ შემთხვევაში თუ საზღვარგარეთ მომსახურე ოპერატორს დაწესებული აქვს ან მომსახურეობის პერიოდში დააწესებს ტარიფს შემავალ ზარზე.

\*\*\* აღნიშნულ მიმართულებაში არ შედის სატელიტური ოპერატორების მიმართულებით განხორციელებული ზარები. ტარიფები იხილეთ მაგთიკომის ოფიციალურ ინტერნეტ გვერდზე [www.magticom.ge](http://www.magticom.ge)

მხარეები:

მიმწოდებელი

ქ. თბილისი, პოლიტეკოვსკაიას ქ. №5

გენერალური დირექტორის მოადგილე

/გია კოშორიძე/



მომხმარებელი

ქ. ბათუმი, გამსახურდიას №8/10

საფინანსო სამსახურის უფროსი

/ მერაბ ჯოჯუა /





## დამატებითი მომსახურება

დამატებითი მომსახურების სახე	საფასური ღირებულებით	დღგ-ს
როუმინგის ჩართვა	უდუპოზიტო	
დამატებითი მომსახურებების ჩართვა	--	
მობილური ტელეფონის ნომრის შეცვლა	--	
ერთი შეტყობინების გაგზავნის ღირებულება	0.06 ლარი	
ნომრის დაფარვის დღიური სააბონენტო	0.05 ლარი	
ნომრის ამოცნობის დღიური სააბონენტო	0.80 ლარი	
ერთი მულტიმედიური შეტყობინების გაგზავნის ღირებულება	0.10 ლარი *	
WAP-ით და ინტერნეტით სარგებლობისას 1 მეგაბაიტი ინფორმაციის მიღება/გაგზავნის ღირებულება	0.7 ლარი	
SIM-ბარათის გამოცვლა	--	
მობილური ტელეფონის ნომრის შეცვლა	--	
მფლობელობის შეცვლა	--	
დეტალური ანგარიში	--	

\* საზღვარგარეთ გაგზავნილი მულტიმედიური შეტყობინების ტარიფი განისაზღვრება 1 ლარიდან 1.5 ლარამდე


იმ დამატებითი მომსახურების სახეების ჩართვა, რომელიც არ არის მითითებული ზემოაღნიშნულ ცხრილში ასევე ხორციელდება კორპორატიული ტარიფის ფარგლებში დამატებითი საფასურის გარეშე.

მხარეები:

**მიმწოდებელი**

ქ. თბილისი, პოლიტეკოვსკაიას ქ. №5

გენერალური დირექტორის მოადგილე

  
 /გია კოშორიძე/

**მომხმარებელი**

ქ. ბათუმი, გამსახურდიას №8/10

საფინანსო სამსახურის უფროსი

  
 /მერაბ ჯორჯუა/

მიმწოდებელი მომხმარებლის მიერ მიწოდებულ კორპორატიულ ნომრების სიების შესაბამისად კორპორატიულ ნომრებს გააერთიანებს 3(სამი) აბონენტთა კორპორატიულ ნომრების ჯგუფში.



**ჯგუფების სახეობები და ანგარიშსწორება ჯგუფების მიხედვით**

მომსახურების სახეობა	ჯგუფი 1	ჯგუფი 2	ჯგუფი 3
კორპორაციული ნომრიდან განხორციელებული ზარების საფასური და დამატებითი მომსახურება	ანგარიშსწორება კორპორაციულ ტარიფით განსაზღვრულ თანხაზე და როგორც ადგილობრივ, ასევე საერთაშორისო ზარებზე და როუმინგული მომსახურებაზე) ისევე როგორც სხვა მომსახურებებზე მთლიანად, ხორციელდება მომხმარებლის მიერ შემდგომი გადახდის პირობით.	ანგარიშსწორება კორპორაციულ ტარიფით განსაზღვრულ თანხაზე და თითოეულ კორპორაციულ ნომერზე მხარეთა მიერ შეთანხმებული განსაზღვრული თანხის ფარგლებში გაწეული მომსახურებისათვის ხორციელდება მომხმარებლის მიერ შემდგომი გადახდის პირობით. მხარეთა მიერ შეთანხმებული თანხაზე მეტი მომსახურების მიღებისათვის ანგარიშსწორება ხორციელდება მოსარგებლე პირის მიერ წინასწარი გადახდის პირობით.	ანგარიშსწორება კორპორაციულ ტარიფით განსაზღვრულ თანხაზე ხორციელდება მომხმარებლის მიერ შემდგომი გადახდის პირობით მომსახურების მიღებისათვის ანგარიშსწორება ხორციელდება მოსარგებლე პირის მიერ წინასწარი გადახდის პირობით.

მომხმარებელი ვალდებულია 1 კორპორაციულ ჯგუფში სრულად და მე-2 კორპორაციულ ჯგუფში შეთანხმებული თანხის ფარგლებში კორპორაციულ ნომრების ანგარიშზე გაწეული მომსახურების საფასურის დარიცხვის შედეგად წარმოშობილი დავალიანება დაფაროს არაუგვიანეს საანგარიშო თვის მომდევნო თვის 25 რიცხვამდე.


მხარეები:

**მიმწოდებელი**

ქ. თბილისი, პოლიტკოვსკაიას ქ. №5

გენერალური დირექტორის მოადგილე

/გია კოშორიძე/



**მომხმარებელი**

ქ. ბათუმი, გამსახურდიას №8/10

საფინანსო სამსახურის უფროსი

/ მერაბ ჯოჯუა /

